



MONTIENVOUS

14 Augustus 2024

OB 28

Beste Ouers

Die volgende artikel is elektronies verkry uit Rooi Rose, van 17 Januarie 2024:

('n Gedeelte van die artikel is hier gebruik, volg gerus die skakel om die volledige artikel te lees)

Maak kinders met goeie waardes groot

Kinders se waardes word deur hul ouers se waardes, hul vriende, musiek, die media, hul geloof, onderwysers en hul rolmodelle bepaal. Maar hul ouers se waardes en leefwyse het meestal die grootste impak hierop. 'n Sterk karakter met gesonde waardes wat kleintyd geïnternaliseer is, is van die min dinge wat 'n kind 'n leeftyd kan hou en vir hulle gesonde vrugte bly lewer. Waardes bepaal waar jou energie gaan, jou koers en keuses.

Om eties op te tree is nie altyd maklik nie. Vra jouself af: wat sal die gevolge van my optrede of besluit wees?

Erkenning aan Rooi Rose: <https://www.rooirose.co.za/kinders-waardes/>

Ouers en die skool werk saam om waardes soos respek, omgee en empatie onder ons kinders te kweek. Die maandelikse waardes en Brain Tribe beginsels wat ons by die skool gebruik, is daarop gerig om ons leerders aan te moedig om met respek op te tree teenoor mekaar. Dit is teleurstellend dat 'n handvol leerders nie hierdie beginsels handhaaf nie en dit onaangenaam maak vir medeleerders en personeel binne die skool. Ons sal genoodsaak wees om strenger op te tree teenoor leerders wat na gesprekke, steeds nie hierdie beginsels eerbiedig nie. Individue sal briewe ontvang wat die skool en beheerliggaam se optrede uiteensit, wanneer nodig vir die spesifieke leerders. Terselfdertyd word leerders wat goeie samewerking gee beloon met positiewe punte op die gedragstelsel.

Ons wens ons buurskool, Hoërskool Montagu alle sterkte toe met die komende naweek se Interskole teen Hoërskool Bredasdorp. Mag goeie sportmangees saam met die intense kompetisie, hoogty vier. Alles van die beste met die naweek se reëlings.

Ek herinner u ook aan die spesiale Vroue-oggend aanbieding, eerskomende Saterdag in die saal. Sien asb. ons Facebookblad vir meer inligting. Die dag word aangebied deur W.A. Rossouw Primêre Skool.

Alles van die beste vir die komende week.

Vriendelike groete

Jan Krüger
Skoolhoof

Weektema:

Betroubaar

BrainBuddy:

Wagter: "Wees iemand waarop ander kan reken. Indrukwekkend en betroubaar!"



Geborg deur:



BELANGRIKE DATUMS

- Woensdag, 14 Aug o. 13A netbal, hokkie, rugby: LS Hugo Rust (tuis)
Skool sluit 13:00 agv wedstryde (Gr. 1-7)
Geen hokkie-oefening agv wedstryde
- Vrydag, 16 Aug Entrepreneurs: Gr. 3D
GF Boeke huis toe
- Saterdag, 17 Aug HS Montagu Interskole
- Maandag, 19 Aug Ratem Eisteddfod – Kore
Geen hokkie-oefening agv Ratem Eisteddfod
- Woensdag, 21 Aug Jnr & Snr Koor optrede saam met *Zolani Youth Choir* en *Rhodes University*
Hokkie-oefening vind plaas
- Donderdag, 22 Aug Wakkerstroom-Wes o. 7 - o. 13 A netbal en rugby (tuis)
- Vrydag, 23 Aug Entrepreneurs: Ope

UITSLAE: HOKKIE VS BREËRIVIER (7 AUG 2024)

HOKKIE

Span

- o. 13 gemeng
- o. 11 gemeng

Uitslag

- Wen
- Verloor

Speler van die wedstryd

- Owen Ngabaza
- Mia Vorster en Sion Stemmet



KULTUUR: KORE

Die volgende twee weke is twee belangrike weke vir beide ons skool se kore. Ons versoek dat alle koorlede alle optredes bywoon.

Maandag, 19 Augustus, is dit Ratem Eisteddfod in Riversdal waarvoor die koorlede reeds briewe ontvang het. Indien u kind se skeurstrokie nog nie ingegee is nie, moet u dit so spoedig moontlik na die koorleidsters stuur.

Woensdag, 21 Augustus, tree ons kore ook op saam met *Zolani Youth Choir* en *Rhodes University Chamber Choir* by Laerskool Montagu. Meer inligting sal rakende laasgenoemde optrede gegee word nader aan die tyd.

Ons gaan ook hierdie jaar deelneem aan Hoërskool Montagu se Koorfees op 29 Augustus en sal alle inligting deurgee.

Ons is baie opgewonde vir die geleentheid wat ons kore het.



CELEBRATE #RUI20 WITH US!

RHODES UNIVERSITY CHAMBER CHOIR IN CONCERT

RUCC on tour, featuring:



MONTAGU SENIOR
PRIMARY SCHOOL
CHOIR
MONTAGU JUNIOR
PRIMARY SCHOOL
CHOIR



ZOLANI YOUTH CHOIR
ADMISSION: FREE
(DONATIONS ARE
ENCOURAGED)



21 AUGUST 2024
17:30 FOR 18:00
MONTAGU PRIMARY
SCHOOL HALL

AKSIE KRIEKETDAG (SPELERS)

Laerskool Montagu nooi u hartlik uit om deel te neem aan ons opwindende aksie krieket dag vir volwassenes, om fondse vir die skool in te samel. Hierdie geleentheid beloof om 'n dag vol pret en spanbou te wees, en ons hoop om u daar te sien.

Datum: 16 November 2024

Tyd: 9:00

Plek: Laerskool Montagu

Koste: R200 per speler

Elke span sal bestaan uit 8 spelers. Die reëls van die dag sal met die spanorganiseerder gekommunikeer word.

Indien u belangstel om deel te neem, kontak asseblief so gou moontlik:

Laerskool Montagu: 023 614 1640

Mnr. De Beer: 081 729 1068

Ons sien uit daarna om hierdie spesiale dag saam met u te deel en waardeer u ondersteuning.

AKSIE KRIEKETDAG (BORGE)

Ons glo dat hierdie geleentheid nie net 'n wonderlike dag van sport en spanbou sal wees nie, maar ook 'n uitstekende geleentheid vir u besigheid om sigbaarheid en betrokkenheid in die gemeenskap te verhoog. Ons verwag 'n groot opkoms van ouers, leerders en gemeenskapslede.

Hoe u kan help:

- **Finansiële Bystand:** Enige geldelike bydraes sal waardeer word en sal direk aangewend word vir die organisasie van die dag.
- **Produkte of Dienste:** U kan ook help deur produkte of dienste te skenk wat ons kan gebruik as pryse of vir die dag se aktiwiteite.
- **Koopbewys:** U kan 'n koopbewys skenk wat ons kan gebruik as 'n prys of vir die dag se aktiwiteite.

As 'n borg sal u besigheid erkenning ontvang deur:

- **Logo en Naam:** U logo en naam sal op al ons promosiemateriaal en program verskyn.
- **Vertoonruimte:** U kan 'n vertoonruimte op die dag hê om u produkte of dienste te bemark.

Indien u belangstel om 'n borg te wees, kontak asseblief so gou moontlik enige een van die volgende nommers:

Laerskool Montagu: 023 614 1640

Mnr. De Beer: 081 279 1068.